



COMUNU DE DOMUS DE MARIA

Progetu finantziau cun su dinai de sa Regione Autònoma de Sardigna cunforma a sa L. 482/99 e a sa L.R. 22/2018.

BICI NURÀGICA 2025: POESIA E ARTI IN CHIA

📅 3 de Austu 2025

📍 Chia, Arena Spìridu Santu

🕒 22:00

Cun prexu e emozioni si feus sciri ca dominigu 3 de austu a is 22.00, anca est s'Arena Crèsia de su Spìridu Santu de Chia, s'at a fai sa de cuàturu tapa de “BiciNuragica Poesia” 2025.

S'atòbiu est a incuru de s'Amministratzioni Comunali de Domus.

Ant a chistionai: Ugo Magnanti, Serena Maffia, Dona Amati, su pianista e cantanti Stefano Refolo, de BiciNuragica, su poeta e stòricu de s'arti Luca Masala, sa scridora e editora Carmen Salis, sa poetessa e operadora culturali Alessandra Sorcinelli.

Sa ‘tapa’ s'at a fai in sa prus parti orientali de su Sulcis, in una costera de spantu, cudda de sa localidadi turìstica de Chia, ca tenit su mari prus bellu de Itàlia po s'annu 2025, longu ùndixi chillòmetrus de plajas bellas e sanas, cumenti e “Su Giudeu” e “Su Portu”. Bella puru sa parti de aintru, cun padentis frorius, cumenti e “Is Cannoneris”, sa foresta de ìlix prus manna de Europa, cun cùcurus prenu de matas de su mediterràneu e montis cun puntas granìticas.

Ddoi at fintzas àreas archeològicas, cun s'acròpolis e sa necròpolis cumenti e scrìoxu de sa citadi de Bìthia de su tempus fenìciu-pùnicu.

Bella e dominanti sa turri costera de Chia, de època aragonesa.

S'abetaus in medas po bivi unu merì bellu e prenu.

Torraus gràtzias a sa Parròchia in sa personi de su Vicàriu po si essi lassau s'Arena de Chia.

Sighei a pigai parti a trupas e gràtzias fintzas a chini at a cumpartziri me in is social, po promovi is eventus e donai ocasioni a is turistas puru de passai seradas istadialis bellas!